

Dumonda Caduff concernent l'intelligenza artificziala sco schanza per l'economica locala

La transformaziun digitala mida radicalmain nossa economia. L'intelligenza artificziala (IA) vala sco in dals motors decisivs da quest svilup – ella stgaffescha novs models da fatschenta, augmenta l'effizienz e porscha perspectives per plazzas da lavur innovativas.

Per il chantun Grischun è quai ina gronda schanza: Sco piazza economica periferica po el augmentar cleramain sia attractivitat cun promover sistematicamain l'innovaziun, la digitalisaziun e la IA – tant per interpresas existentas sco er per fundaturas e fundaturs, per talents sco er per partenarias e partenaris da perscrutaziun. In ambient che promova innovaziuns na creescha betg mo valurs, mabain rinforza er la persistenza e l'attractivitat dal chantun sco lieu da viver e sco piazza economica.

Per che quests potenzials vegnian tratgs a niz, dovri dentant cleras directivas strategicas e cundiziuns generalas adattadas: access ad infrastrukturas digitalas, programs da promoziun per projects innovativs, cooperaziuns cun scolas autas e cun firmas da tecnologia sco er in'administraziun che sa preschenta senza sco pioniera digitala.

Sut l'aspect da la dinamica actuala en il sector da la IA sa tschenta la dumonda, co che la Regenza tira a niz e promova activamain questa schanza economica per il Grischun.

1. Orientaziun strategica: Tge directivas strategicas concretas persequitescha la Regenza dal chantun Grischun per trair a niz sistematicamain las schanzas da la IA e per rinforzar il chantun sco lieu economic che promova innovaziuns ed in svilup persistent?
2. Promoziun da l'economia locala: Tge programs da promoziun, infrastrukturas digitalas e purschidas da sustegn existan actualmain per promover sistematicamain interpresas, fundaturas e fundaturs, instituts da perscrutaziun sco er talents en il sector da la IA, e tge mesiras supplementaras planisescha la Regenza per serrar largias existentas?
3. Infrastructura digitala e cooperaziun: Co procura la Regenza che las infrastrukturas digitalas necessarias e las cooperaziuns cun firmas da tecnologia, cun il mastergn e cun auters partenaris promovian il transfer da savida e la capacitat d'innovaziun en il chantun?

Cuira, ils 22 d'october 2025

Caduff, Collenberg, Kocher, Altmann, Bavler, Beeli, Berther, Berweger, Bettinaglio, Binkert, Brunold, Bundi, Caluori, Candrian (Glion), Casutt, Caviezel, Cola, Cramer, Danuser (Cuira), Das, Epp, Furger, Gansner, Hassler, Heim, Heini, Jochum, Koch, Laim, Lamprecht, Lehner, Loepfe, Maissen, Mani, Messmer-Blumer, Oesch, Orlik, Righetti, Sax, Schneider, Spagnolatti, Tomaschett, Zanetti (Sent), Zanetti Livio (Landquart), Zanetti Marion (Landquart), Zindel